

勉
行
堂
詩
集

勉行堂詩集卷之八

古歛 程晉芳 魚門

小金臺集下癸酉

題陶然亭二首

四郊晴綠早秋天
瘦蝶黃花媚晚川
勝地易消愁恨事
何人偏敝別離筵
斜陽已抹亭臺去
野水還侵坐卧邊
入眼西山晴翠滿
不知衣袂染蒼烟

清涼地面近毘伽
倦柳成行一徑斜
欲奏古琴延夕月
忽驚山鳥墮松花
全消城市塵氛擾
每對盤樽興會嘉
何事酒醒風露冷
倦遊孤客轉思家

北地載物悉以車
連轂接軫填塞城市
暇日偶成五詩命
之曰五車誄

水車

西城多甘井東城饑富民載水駕牛馬不惜來往頻和羹渝苦茗灌此花竹新嗟嗟西城中接跡皆朝紳蹶蹕驅一頭朝天去清晨亭午飼牛芻驅策向水津苦水備浴濯甜水供嘉賓屢屢走長衢力盡不得奔泥潭或顛躡車轂爲掀翻歸來整輜蓋傾倒囊中緒人生在富厚勢位何足云

煤車

揭來采煤人狀乃肖鳥鬼西山深復深黑饑騰騰起搏埴方四隅面作花紋委滿載向單輪鹿鹿走城市江南樵薪者負擔出煙水雖非檀與槐差得和平理北地惟食煤潛毒中肌髓鄙人初到時浹月病牙齒嗽粥味甜爛北方有甜爛能解煤毒檢方得梨子熟習乃復常忍然汗出已風氣各有宜所尚詎同軋無爲考燧人

溫炕有餘美

酒車

頗聞嗜酒者麌車對流涎況彼醞釀成載以過市廛雕轂而華輪瓶罍何駢聞厥味豈盡佳亦有微尚焉或行芳樹下或駐碧沼前觸處如山村小旗復翩翩我飲僅數合愛此彌留連一酌再三酌面熱中陶然歸來踏花影枕手騰騰眠

冰車

赤雲障高空夏日苦烈烈誰穿冰窖冰如鑿雪嶺雪嵯峨載冰人所觸盡炎熱揮汗行六街長恐易鎔滅雖無槃鑪登尚作玉筋折鑿山想豪宴堆垛雜梨栗吾儕澹薄胸頗爲郢人悅崢嶸遂當面疹粟起膚末買取調酪漿吸飲對新月

潤車

澗車走中衢掩鼻畏逢乍勿嗤狼籍汚所用在耕稼匆匆逐臭
夫牽挽及炎夏羣蠅競飛隨行客勿敢迓繙懷江淮間繡野相
蹈藉勒壤暨驛剛灌漑分等差壓擔出桑陰論錢過水汎北方
往地力詎解推土化厥種少肥圓觀此重嗟咤歸索博山爐熏
衣度微麝

七夕前一日劉侍讀印子招同梁學士瑤峯宋秀才竹君
博士石君王庶常岑暉熊庶常兆堂集城西王氏園亭
分各體得七絕六首

望深地僻礙行車忽喜開襟對畫圖千頃風潭荷萬本此間合
是小西湖

畧約斜穿一徑通春鋒飛起憩從容田間野叟休相避識字耕
夫是阿儂

閑風伏雨近初秋
初蟬韻蕭蕭
遠竹廬擬借三間湖屋住
紅蕉幾點照繙書

雨後遙峰一桁青
水邊樓榭竹間亭
不須寫入倪黃筆
已是當窗設色屏

蜻蜓船小蕩澄波涼滿菰蘆雨
意多有客銜杯倍惆悵來朝
泊見鵲填河時侍讀新喪期

柳陰如畫對銜杯
村笛漁歌夕景催
好刻琅玕題歲月
草堂深處七人來

馬乳葡萄歌

江南芡嘴呼雁頭
寒煙細織蓼塘秋
塞北葡萄誇馬乳
綠房的迎秋雨由來
異物工肖形渥洼產
處草木靈苗着花紅集蕃
錦芳藤宛結瓊奇葩長
如東棗泡露腴絕勝圓者排瓊珠南村

諸楊北村盧

用東坡句

比似荔枝合是奴想見碧萼舒曉艷星精磊

磊青無纖繞

架扶疎酒病蠲堆盤錯落饑腸廢虬鬢天子眞英

雄高昌薄伐銘膚功

同時葉護獻方物此種流布中土中無煩

作醞深巵引流涎那得須臾忍較量

風味署頭銜何止銓卿大

原尹

橐駒吟二首

任重何煩說馬牛坡陀子隊出蕃州夕陽古驛程程緩細草平
沙段段秋雪點吳鹽還給食霞披蜀錦未全講明妃去後關山
迢遞坐應添幾斛愁

臃腫形藏太少妍丁零窮塞但耕田翠盤乍對雙靈岫雪塢平
鋪一敗袍陳衰輪羸堪一歲行間蹴踏待成泉羌兒不計前程
晚吟嘶還從背上眠

萬柳堂二首

溪鳥如傳一曲歌西園裙屐此經過芳時荏苒涼秋早名士銷
沉夕照多千點倦鴉投綠野三間古屋長寒蘿依然驟雨來天
杪頻向深塘打亂荷

六時花竹記平泉曲榭閑堂半野煙好景何曾負芳醑晚風隨
處有新蟬湘琴檀板宜春墅牧唱樵音振遠天比似江潭憔悴
意攀條人去幾何年

拳毛駒歌寄和張漁川蔣秋涇

東家駿馬驕綠楊西家錦絡鬢絲颺但能服阜飽芻脯幾見蹤
踏萬里馳疆場拳毛駒屬秦川張我初未見窺詩草主人唱于
蔣生和刻畫體貌推行藏旋風片片毛色蒼在膺在肘背闊黃
身非文縞突兩眶高額蹙額瘦且尪圉人但作惡馬綢鞬筆所

施及腹長安知精魄連心房攸彌遺種蘭筋強廣陵夜月嘶嚴
霜凌秋思騁態激昂詰朝驅策還故鄉遙隄一線飛練光奔雲
瀚霧失形影巖巒草樹俱勝驪晨趨孟津夕咸陽一試自此知
非常布嚮改換珊瑚裝明沙豆飼紅薇芳在坰辟易無敢當我
聞顛末慨以慷古傳名駟今何嘗儀同駿龍飾殊號將軍自在
親戎行頗黎有穴孰採取自民之國誠荒唐吾子吟情在驥背
凍雪祇怕寒梅僵神駒縱得老無用何異上坂牽鹽箱張公噭
我語太狂物之所寶惟材良但令夙具千里足鐵關不到庸何
傷惟餘一恨增寥惶昔未拔識今始彰君不見寒風秦牙與九
方後來誰擅三物量相人相馬理頡頏孫子所論殊精詳先生
局鼻終持梁借面亦復堪臨喪支離五管契物化如臯一笑神
揚揚物非材力矣否臧願君謹辨天下士勿謂昂藏盡驕驕

儲茗坡餉荔枝成二絕句

陳紫方紅未易材感君珍餽敵瓊瑰堆盤欲食還先拜知自
經筵講幄來初四日設講經筵以食品資
講官茗坡所餽蓋他所分餉

是否嬪娟十八娘清寒沁齒渴天漿老饕却笑東坡叟三百甘
從嶺外嘗

以桃餽曹侍御地山鱗以詩

歸淵空羨魚不如歸結網屠門誇大嚼未若適口爽蟠桃實似
斗舊說殊惝恍玉嶺浩茫茫安得共來往肅寧八月桃霜色白
盈掌沁齒如甜泉渣滓盡融濕葡萄與蘋婆亦足佐清賞譬彼
秦越雄難狎齊晉長旅人食異味對此忍獨饗知君愛臨池酒
渴坐書幌永好底可投役忘豈云享試攀來禽書妙蹟繼疇曩

劉姬行

昌平城東北十八里有劉娘娘墳明武宗所納晉府樂工
楊騰素也江彬錢寧輩以母事之從幸揚州彬等欲選
處女寡婦供奉以姬諫而止歸京師居豹房寵冠一時
然終帝世無位號其死當在世宗時紀傳莫可考者乾
隆戊辰盜掘姬墓多獲珍寶縣官捕焉淮陰吳山夫作
長歌記其事予感而和之

康陵石馬嘶寒綠鬼唱秋墳夜來曲松隧紅門守衛嚴魚燈奕
奕承鴻足別有荒祠卧斷碑居人指點說劉姬蒼茫二百年來
事誰念承恩複道時武皇外傳稽前史火照離宮中夜起作使
惟稱江令家輕驂徑度桑乾水宣府繁華舊擅名朱樓夢雨不
勝情君王半醉山村酒武宗詩野花偏有小部催傳樂伎名琵琶村酒醉人多惟宛轉當筵訴舞態纖纖呈雅步入侍更衣促漏長明珠十斛

蒙恩顧含淚何煩憶餅師人生莫信紅顏誤燕燕鶯鶯彼一時
紫鸞棲老琅玕樹璧水張潛淡灑秋仙音法曲轉多愁急趨鳳
船呼同載別是春江花月游廣陵佳麗煩道致婉語微言罷荒
恣雖乏當熊慷慨風尚援戒且殷勤意小碧殷紅繞豹房朝雲
冉冉在高唐杜秋已飾紅椒壁瓊樹初成蟬翼妝鼎湖枉自求
丹禾銅雀哀歌競囉噴班女終宜奉寢圓定陶已入承天統老
去蛾眉化野塵依然芳塚粲青燐妬煞茂陵秋草色年年長傍
李夫人偷兒五夜椎幽穴溫明秘器猶陳設寶匣雲衣旋旋空
龍香醃鵲風中滅豈有餘芬描汗青徒聞累德屬娉婷炙手勢
家曾拜母繡旛禪刹竟何靈君不見玉鉤斜畔飛紅急馬嵬羅
襫秋苔澀商女歌殘辱井荒昭陽事往樊姬泣漢寢唐陵已廢
墟珠棺玉襚待何如誰修冢宰家人政一考高堂習禮書

題石磴菴

修篁通石徑寺僻少遺碑昨夜過微月烟蘿餘翠姿雲深剛沒
岫泉漫欲成池試叩楞伽旨斜陽去鳥遲

秋日燕臺雜興六首

雉堞重重漾曙暉朵雲如葉曉爭飛三邊遙控人知武九月新
寒客投衣龍虎氣雄金闕迴鳳鸞音遠玉霄微蒼涼莫起窮秋
感獨酒清琴願未違

駁斐椒風接上蘭繁花如霧不勝看龍出沒昆明水瀟納溫
牘太乙壇四姓期門嚴宿衛五侯甲第盛衣冠西山遙望晨暾
起湧出蒼蒼碧幾盤

五都列肆最紛紜日下憑誰誌舊聞花市西城園粉繡書樓東
廠亂籤芸儘多僂舞迴靈雨亦有新歌駐曉雲擊劍呼膺輕韻

甚書生悔不學從軍

紛紛冠蓋溢交衢繁會從來數大都令署誰憐典屬國閑民終畏執金吾逡巡酒雜醍醐味頃刻花成絳綠趺誰是閉門高隱士接天煙水夢菰蘆

玉棟坊西最早秋參差琳閣俯清流長楊細柳通中禁珠絡銀鞍從小侯黃紙新恩頒藥物綠章封事進詞頭人間枉羨華胥樂未敵春明汗漫游

樓船萬里奉儲胥枕倚三邊壯

帝居西竺國傳供佛懺南單于上乞降書唐虞威德何曾遠漢宋封疆總不如最是

巡行蠲免詔萬方民力盡舒徐

劉侍讀印予餉米詩以謝之

都城游宦家食米仰南漕司農計俸錢按品以時糶輸林最清
寒屢空靡控告太倉請米歸入市易紅糙計直稍贏餘用以濟
曰耗奚爲亟饋我念我冷突竈剜肉而補瘡將貽識者謂與君
俱南人薄產在江徼春嘗麩麥粥秋薦麋牙稻飽食殊嬉嬉諷
讀從所好君今繫一官我且隸學校勤止寧自如饑窘不可料
監河豈不仁魚已懼乾鮑洵堪三日穀何止一簞偏長吟柴桑
詩贈子期冥報

寄家書

兩字平安大是難勞君翻覆解顏看戒朝那得眠中夕觸熱無
端犯早寒人對秋風增老瘦月依桂樹作團圓一名何與榮枯
事且埽書堂整藥欄

白壇寺歌

金天一抹霜氣凝飛橋隱隱連長繩穿雲古塗高峻嶒白虹宛
宛立不騰雪峰銀海鋪層層望之縣幢絡素繒瓊珠繆繞飄華
燈毘婆變相何清澂契丹舊史粲可徵磨牙猰㺄雄幽陵兒視
晉帝同纖蠅斬蘿黔首刈葛藤乃尊佛力歸三乘三塔互建如
分珊瑚石華細研鏤寒冰惟青惟黑以色稱引繩直上飛奇肱環
列精舍當林傍西方肅殺運所憑此塔最久餘騫崩石欄銅網
元代增童謡慷慨非妄誣歷千百祀相綿承清霞馥露互結烝
罡風賓雨力所勝摩錯日月圓無棱下視羣刹皆邾鄆

熙朝祝嘏靈慶升鐘魚粥鼓延幽僧琳宮紺殿新抹陁敦圉恕
虎伏且興翔鶴四舞盤神鷹限以禁扁勿敢登

自潞河登舟閱四日始達天津卽事偶成四首

擊汰臨清流秋氣浩如許寒花尚隱洲墜荻已盈浦生平壯遊

心未覺厭羈旅卽境有去來適我故鄉土俯觀游魚樂仰羨黃鶴舉風袂吹泠泠夕景自容與回瞻玉京遙依依念儔侶
夜漱叫哀鴻寒風振秋簫念我同心人幾載滯京洛

謂芋園笠圃諸君

竭來春未闌微雨命新酌露氣拂初筠煙姿冒紅藥判袂及秋清先期懷已惡送我南城闥謂我歸計錯訂我重來期勿待梅破萼驪歌唱逡巡有淚含未落不遇別離難安知聚首樂

放舟楊柳青遙指直沽水石尤風太狂舟子呼止止須臾急雨來濕漏到篷底衣衫無餘乾況此薄行李半生走長途偃蹇輒如此惟動鮮亨貞於易探微旨所以灌園人泥塗甘曳尾
夾岸雞初鳴柁長刺船去起看瞳瞳月尚挂深深樹遙山如斷續隔浦人相語時於寂境中意得啟微悟吾生若夢幻勞逸隨所遇但持無住心豈抱多難慮幽賞在當前撫事適成句多愁

日高眠家居無此趣

途中偶興

疎柳殘鴉欲暮天客程消得月虧圓倦聽蘋北蕉心雨穩泛江
南鷓嘴船漸悟筌蹄參外物休教哀樂起中年鄉關莫訶繁華
甚居士清涼自結禪

讀商司馬寶意詩題後

潞河南下流波遼水驛山村倦臨覽閑把君詩枕上看冷吟驚
破魚龍膽霏煙拂霧紛變態陶汰工夫出夷儈冷冷清響脉通
池往往初甘味回欖珍廚鹽豉豈異味要在養人善和樸就中
妙境難舉似醜鵠微香發新蘭堂堂旗鼓列雄師韓魏依然自
視歎憶從南園握君手芳樹亭亭鋪碧毯揮毫落紙君自擅分
騎揚鑣吾豈敢金臺夕寺共追尋九陌新秋轡同攬歸驂淮水

葉蕭騷去棹巴江雲曉熙竹王山鬼互將迎
棘鳥蠻花增怨憎大江春早重登艤澎湃奔濤驚習坎集中有驚
濤四律勿勿燕市一相逢草草杯盤論坎顧卅年銅綬滯青衫如此儒冠困丹槧卽看車馬尚雞棲那得功名追燕領徒勞琢句腎肝疲或恐搜奇天地慘江鄉隨處有葦鱸箬笠差宜傲行紈秋田二頃待同耕願與先生披錦贍懷人掩卷暮愁生淅淅涼風吹蘋葵

安德抒懷詩

癸酉九月十四日舟次德州閱京兆榜錄得平韻三十章

寄都門諸知已存十九首

跂脚船窗日下春渾如短夢覺惺忪燕臺舊藁傳銷夏淮浦餘花號歎冬壯志已隨寒潦退歸心遙共暮雲濃故人漫作重來說頑鐵何堪屢鑄鎔

小試當場舞態懶
勞他猿雀怨空帷
已難擇檄同毛義
差喜生

兒喚衣師得一子

七月 中始
生

躡鼠飲河情易足
兼山入卦事堪知

元旦
得

良之九三卅年彈指匆匆過
琢腎雕肝大是廢

勞人草草減腰圍
飽趁西風一葉飛
直似春秋晝大去
遠煩音信勸當歸
敢將石隱同高士
不用天官測少微
曝背南榮梅信早
阿兄相對兩忘機

晚甘九兄今歲不復應試

得喪曾將物我齊
忽從枰局論高低
花栽隙地開仍滿
人到鉤天聽易迷
古井無波寧待汲
石田自好莫分畦
疎頑不起中宵舞
從遣荒雞徹曉曉

面具西涼豈是真
唐花細翦不成春
遙憐墮淚餘知己
祗覺無顏對俗人
路畔揶揄疑有鬼
江邊波浪怕迷津
也知匡濟全無術
合作耕煙釣雪身

秋衣抖擻舊塵氛誰道纏纏不出羣術士漸譏星命劣家人猶
勸瑞摩勤終慚玉石難分判未信芝蘭易翦焚文室一燈花氣
緩天香如篆散氤氳

早年刻意懶窺園爲學粗能證本源見兔不妨頻顧犬焚林豈
必遂亡猿閑嗤李麻輕揮淚自異劉蕡好直言多謝天公安置
好綠風間繞槿蘿門

官體由來較狹寬誰令野服幕彈冠事經辛苦傷心易技到文
章食報難肅肅霜華新築圃疎疎煙色舊垂竿此身終擬同松
柏巖谷婆娑耐歲寒

首題歲
寒章

九陌西東共往還新篇舊草幾評刪無心偶作雪歸岫繁足真
如驥在開載酒車來澆磊塊烘花窖緩鬪斑爛淮南叢桂堪招
隱只少聯翩大小山

嵒寄山夫心
友諸君子

數點銀花綻木綿

芋圃太史寓棉花七株衡衡余居八條衡相距咫尺

洪崖曾拍幾回

肩雍容瑤闕無雙籍散朗塵寰有漏仙別意蒼涼初月上懷人

蕭瑟晚秋天生涯已定君應識老守斑斑一枝田

舊業曾連廿四橋

余舊家廣陵

繁華勝處寂蕭然身從冰炭堆中過

夢向煙霞窟裏遙豪氣可能吞海若名心合造懺寒宵鍊夫自

此無拘縛一任南華晒鷺蜩

亡羊失馬總浮泡自墮塵因自解嘲老婦肯施新粉黛山僧還

打舊衣包萍生細葉魚游沼月漾空林鳥擇巢斟酌此身安穩

在心亨衢坎契中爻

入夢文通五色毫翦紅裁綠總勞勞擅長未許穿三札吐氣徒

能壓二豪伯樂有神工相馬庖丁絕技善藏刀商風一奏魚天

遠驚起離離雁陣高

卧聽河橋漏箭加。茫茫幽思繞天涯。半生枉學鴉塗墨。一笑真成豆有芽。俗以豆芽菜不種而出比下第舉子吟樹遠期對南郭。拂衣無復夢東華。

端策曾煩詹尹評。已將身世判分明。晨卜仕隱皆得遯蹇之卦。漁人漫結千絲網。書客還專百座城。涉歷漸多情早淡。鄉園纔近夢都清。

天蹐地非吾分。肯學寒郊訴不平。

疊翠秋籬儼列屏。此中宜着拜書亭。

余新構一室。置經史。其中制望掛名之曰拜書亭。

偶思舊雨頻沽酒。莫近浮名且讀經。入饌魚蝦供晚飯。益養杞菊制頽齡。從教過客題凡鳥。白板扉應日日局。

更夜經廻炳一燈。敢云文獻遂無微。攤書最忌輕心掉論古。須教賓證憑儘。有閑年供討索。從他丹篆競飛騰。腐儒莫更嘲東。

魯綏步颶塵。我最能

老我浮生寄竹龜閑依雪北倚香南幾曾捉鼻愁難免且要投書謝不堪半壁青垂寒繡薜一燈紅細薦霜柑臂災發粟勞宸慮飽食安居自覺愁

鵠噪鴉鳴不待占逍遙遊裏送烏蠟築窩何礙名爲嫋着論還應喚作潛鞭辟工夫歸象因刮摩詞句到無鹽閑情別有勾留處花外柴車柳下帘

喜胡葉汀舉京兆試卽寄二首

失喜軒窗倒一壺如君端合致亨衢挑燈十載心同苦折臂三公誠可符君今年北上已許苗紳先折桂曾隨夢得共探珠他時倘引華鱸思重訪甘城舊酒徒

聞道金門相士真肯敎地上走麒麟冷吟冰谷應懷土穩奪官袍莫厭貧勝概歡場呼五白先鞭舊雨記三人甲子茗坡壬申抑堂癸酉葉江

皆與予同
高應試

篙師杞長原吾分憤送征航達要津

戍樓聞角

寒雲幾點凝如絮夕景寥寥水東注遙聽山樓角吹哀列防知
是沿河戍出塞聲兼入塞聲天涯倦客最關情艱危舊曲傳三
弄慘澹離鴻事遠征蓬萍踪跡從飄蕩鼈憤龍吟起惆悵似訴
琵琶商婦船驚聞觱篥滄江上餘音迅急間酸辛遠憶江南被
水頻幾處無衣悲婦子何人鼙室逐波臣

九重宵旰垂矜惻大吏勞勞亟供職疏築宜遵水性行賑施莫
道奸胥蝕我今歸卜一枝安暮雨青燈展帙看聊尋野老田夫
樂省識人間行路難君不見士衡絕代稱才技仕宦寧酬棲隱
志爲問連營鼓角鳴何如野鶴華亭唳

下邳懷古

奚仲遺墟但野煙星芒猶自染高遲道旁老樹如人立曾聞梁
唐戰伐年

辟穀廬無藜赤松橋頭鴉語樹冥濛文山大有峻嶒石是否當
年濟北翁

黃流如馬駛趨逕回首鄰徐夕照酣一笑阿瞞殊桀黠邦從此
地控東南

舟中讀書

家居苦塵紛客邸困酬酢迢迢水國程差遙讀書樂生無百歲
期寒暑迭相薄顙晦隨其時詎忍自隕喪古人如蓍龜簡牘恣
搜索獲我明夷心所契在淳泊安能守一編空谷長棲託

青燈何熒熒澹月照叢葦舟子盡酣眠息意對書史從知爲學
方漸進未宜止治經慕董生校誤懷向子向及此夜氣深宛轉

究元旨微聞草間蟲佐我誦娓娓解衣不成眠時復擁衾起
文選雖浮華修辭得宏奧西漢杜陵翁勗子用垂教如何近代
人屏棄勿復好淺冊窺兔園巴吟等蠅噪君觀上達者下學每
精到所貴擷其英而勿襲其貌誰歟賞此言流水方浩浩

勉行堂詩集卷八 終

勉行堂詩集卷之九

新安 程晉芳

拜書亭稟

甲戌
乙亥

南園看梅呈家蓴江兄

溪頭上初日樓閣但蒼烟此際林園裏孤梅破曉妍行吟對南
郭煮茗話東田向晚香應酷同君掃石眠

偃蹇空林意蕭疏我輩人花時謀一醉暇日益相親九九寒都
盡寥寥賞獨真更番風信急蠟屐豈辭頻

別離夢

深宵夢遠游驅車出煙郭寒葉卷蕭蕭山雨紛漠漠中途忽停
軌馬殆峰巒崿命僕駕言旋似悔征行錯妻孥怪我歸喜極翻
淚落兄弟幸我歸把酒競酬醉無何一欠伸白月照東閣經年

多別離京邸屢飄泊雖懷四方志詎免中情惡歸來悟息機空
谷長棲託如花已謝枝何事萌新萼將無功利心割劙無銛鍔
所苦亦云深魂寐猶驚愕亟宜自懺悔無令宿疴作矢詩告家
人用博一笑噱

題家筠榭弟春宵話別圖

缸花凝笑流蟾白主客元言傍深夕別酒初開下若尊歸程遙
指梅心驛龍眠老丈詩中豪竭來訪舊臨江臯蕭齋假館得吾
弟朗吟竹屋風騷騷柳絲初長花匝地緩緩長歌將別意絕憐
那水峭帆人猶念燕山衝雪騎翁贈別詩
屢意及予我昔從翁始受詩三
唐六代許尋窺瀛洲小水通波日峽口濤頭怒起時祇今眞派
何人得阿弟才如吳錦織始覺前賢畏後生丹青慘澹傳顏色
亭亭松影碧窗虛如此清宵恨少余擬裁歲暮懷人句遠訊江

關庾信居

馨兒病愈後作

孤生鮮適境得子方中年長懷舐犢愛敢望詩書傳昨者忽嬰
疾幾至危殆焉發怒責乳媼調視功弗專澄心對醫人瑣細謀
湯煎生平讀書力遇事差安便到此忽盡失恨惆心旌懸癡愛
結有根割取眞無緣忍然始汙出感激蒙天憐親戚競相賀憫
我憔悴顏猶懷驚惕意比夕難成眠

我七八歲時多疾苦不休吾母素羸弱撫我逾珍珠寢食或至
廢數月不理頭我命卽母身視我爲欣憂鞠養竟何成彌冗爲
親羞雖懷甘旨供親逝勿可留見今勞苦我償博固有由汝長
卽不孝報復吾無尤遐哉罔極恩積累如山邱發恨自春擊涕
泗橫交流

驚弓有飛鳥惡聞弦急聲昔喪玉雪兒夢寐猶屏營此子歟且
悍氣力殊錚錚昨從金臺歸落魄傷浮生幸得慰懷抱啼笑俱
關情況我雖壯年齒脫髮已星陶公有五男劉氏授七經得嗣
復冀蜀斯念吾敢萌所願一男兒愚陋日長成他時亂墨汁詎
忍咀添丁

題關仝楓林蕭寺圖

衆山巒稍如懸衣烟光漸斂峰漸微突然當面起層嶂丹崖翠
壁爭環圍摩空古刹高巍巍鐘聲起處山葉飛寒溪流水忽生
白老樹經霜新著緋線垣積雨苔色肥漁村蟹舍相因依深巖
邃壑不見日靜處窈窕含明輝種也畫得無上機駢錯萬象一
筆揮紛紜作者誰繼微秀骨嶮露天眞非山川滿目不可極元
氣浩蕩盈堂扉披圖凝玩增歎歎江南此景未覺稀老樵羨爾

畫中住夕靄疏林荷擔歸

秋日過菰蒲曲感懷族伯父水南先生

當年茹歎鵬承塵衰草重披重愴神宰樹拂雲都作勢驚禽翔
影更無人性情清澈原非福風雅評量自有眞幸得諸兄守遺
澤詩書門戶不憂貧

楚吟蕭瑟薦荃蘅未得酬恩負此身獨淪泥深運轉艷優曇界
隱月孤明雅游異日傳陶峴高會何人識顧瑛論定尙期千載
後不應終古重科名

哭馨兒

再索何知再悼殤十年襟抱又茫茫前塵欲問無由問衰柳寒
蟬淚幾行

學語閑房解送迎忍看繫臂舊鈎鎗金環待得他年認何補愁

深鬢欲星

炎威正熾愁風逼晝曬方甜慮乳遲今日殘懷霜露裏可憐何
計與扶持

世間恨事偏敦我架上叢編欲付誰一抹寒林斜照裏桂殼時
近悼亡時

九月二日爲亡室蕭氏忌辰

鄧勝諸三將歸錫山索題類谷居圖賦以誌別

夫君家近龍山下桂葉蕭蕭窗暗打閑乘霽日曝烟蓑醉看黃
團挂簷瓦深庭樹靜一禽鳴遠壑風生諸澗瀉取將巖谷貌幽
齋窈窕究山川入陶寫披圖相對驟然笑如此人寧負騷雅京華
塵土一揮手淮水暄涼共樽彝豪膺整翮睨青冥寒燕何心戀
殘社依然歸向畫圖中插槿編籬樹枮檻獨憐落木又離群略
似鸞雌歎孤寡清宵斜月草堂開想像攤書落燈焰人生適意

斯可貴未必候鰣瞰山鮑雖無負郭秫二頃幸有益頭茅一把
高眠聊可傲羲皇洛詠還堪繼韶夏藏身每羨愚叟愚入世難
容野人野我從坎顧悟深機樸略工夫勝姚冶比隣安得共斯
人評跋文章到枚馬渝江渺渺歸思澗別緒茫茫秋雨灑河橋
異日繪新圖攬祛我是留行者

疊前韻題華文灘山翦取吳淞半江水小影

柳風吹遍花谿下獨木船安雙槳打楓江冷落泖湖青處處
波疊鱗瓦阿誰裁翦八圖畫無緣沈沈向人渴少陵詩境最蒼
茫句裏憑將襟抱寫鷺盟豈負生平歎乃聲偏薄風雅羊裘
一領謝衛紈坏飲千場賤匪岸間君風雪灞橋圖何似雞豚洛
陽社劇憐結想太孤清械棘芟夷種梧柳江南暗雨摸箒笞此
景良難知者寡故應飽識箭鋒機肯逐勞薪乞餘俎羹千里

足家蔬鹽政何煩問秋鮆洲邊紅莊鳴爭眠采采黃花況盈把
三間屋好住香山二寸冠應逢子夏已尋箋注補冬官更考取
維志方野是身頑鐵老更頑略遣陳編爲鎔冶卽看空翠遶西
塍定有閒吟到秧馬先生終是出山人造物難容此瀟洒還君
畫卷笑掀髯余亦澄江釣魚者

家南陂兄招觀所譜拂水劇漫賦二首

抹陵春事喟都殘譜就繁聲字字酸鞚鼓待傳天寶錄琵琶剛
續玉京彈荒枰敗刦國謀少逸老元勲位置難累我書窗燒燭
坐英雄小傳夜深看

絳雲舒卷傍高樓枚卜荒唐昔夢休歧路王孫空飲泣南朝天
子自無愁文章革命傳江總褒貶私言總魏收多少滄桑遺事
在井將楚調入吳謳

紅豆離離發故枝尙書頭白有餘悲香嬰照月縕經夜珠斗橫
天說戰時十卷勝披龍袞史三生重寫杜秋詩馮班已逝無能
哭感慨當筵點拍遲

題孫養恬秋宵秉燭圖

百年鼎鼎馳駒隙作達何人工蠟屐柴桑一老浣花翁拚取酣
中窮日夕此圖此景更清曠特遣繁華破岑寂秋香著樹影圓
團月向蓉塘弄寒碧谷兒菱角立階砌是否香山小廩瘦半天
風露下深更的暎明燈彩相射如君真是達生者逸境還能獨
開闢故衫認取酒痕多芳徑寧教苔草積我今懶病似希逸把
酒看花仍一癖君不見蘭亭觴詠樂游園從古佳游成掃迹且
須老子歌夜來自列長筵自爲客

題夏相人橐中集後

嗟爾饑奇節從師赴極邊關河雲葉暗心事劍花圓指凍裁星
檄笳哀警夕眠遺聞紀松漠詩筆世爭傳

感激孤臣淚崢嶸烈士腸山川圖鄯善風物表河湟霜曉旌旗
白春晴草木黃茲游誠壯往回憶極蒼涼

瀚海磧沙飛蒼茫日隱暉磨刀冰作水暖客火爲衣迎馬名王
拜堆盤湊酩肥歸程知近遠南去夢金微

小疾情逾怯鄉書到更疑終能叶征吉何止迷歸期雲霞春無
影鶯花界屢移辛勤非望報聊記舊艱危

哭吳敏軒

三年別意語纏綿記得維舟水驛前轉眼詎知成永訣拊膺直
欲問蒼天生耽白下殘煙景死戀揚州好墓田時客死邗上前一夕屢誦禪智
山光之句塗殯匆匆誰料理可憐猶贋典衣錢

沈醉籬邊落拓身從教吟鬢染霜新惜君才思愁君老感我行
藏慮我貧曾擬篇章爲社侶空將雞黍問陳人板橋倦柳絲絲
在誰倚春風咏翹塵

君詩有云遙思二月秦淮柳
蘸露拖煙委翹塵爲時所稱

促膝閑窗雨洒燈重尋歡讌感偏增艷歌蝶情何遠散錄雲
仙事可徵

君好爲神仙故及之身後茅堂餘破漏當年丹篆想飛騰過江

寒浪連天白忍看靈車指秣陵

有懷專江兄遊吳

歲晚翻爲客非關慕遠游家貧身易役吟穩鬢先秋雨送吳娘
曲霜侵季子裘歸來休滯戀江上凍雲愁

陽羨周生舊爲余暨弟述先寫小照一幀于今二十年矣

偶檢故籜題二首并邀述先同作

撫卷依依見故吾陸家兄弟記流譽霜清梅字催行酒月冷桐

陰對校書少日居諸憐桂冉中年哀樂費捐除分明聽雨連牀夜青鬢看來總不如

上學書堂慣比肩兒嬉歷歷話從前春晴戲展風寫紙夜半聞
籌撲滿錢齒弱未經離別苦親存惟覺歲時妍畫中幾許天真
在重憶當初倍惘然

題陶柳村江南春曉圖

遠山眉展欲破愁近山攢黛黑色流鱗波細浪互周折楊絲匝
岸風初柔此是江南春色曉拂拂烟光散林沼一聲反舌萬峰
晴枝上嫣紅夢猶悄世間何處無好春南國韶華最殢人陌上
清歌纔宛轉溪頭笛舫又逡巡此際鬻娘酒初酌蠻榼招攜成
勝會闌草人歸綠有痕賣花聲近情無賴丹青妙手繪茲圖全
楚依稀接古吳燕燕鶯鶯風物好分明塵界有蓬壺錦屏繡谷

紛相錯誰道山川形勢弱覽勝猶兼齊宋雄夢游真羨華胥樂
我跋涉想南征夕霧朝霞總繫情梅花幾點江千里買取芳
船自在行

雙鬟度曲歌同商司馬寶意作

情田與余同里居晨酬夕醉惟詩書家有小部近示余流風回
雪世不如雪兒當場韻徐徐纏頭恨少千瓊琚施南司馬塵滿
裾梅家巷子來停車重爲樂方樂只且明妝妓服雙雙出畫得
長眉年十一高歌緩舞非所難別調還能協初律主人教曲應
自知羚羊掛角圓客絲此中大有文字訣世上但賞清妍詞蠻
絃洛笛紛相助哀樂當前變何遽曲終燈暗凍雲垂夜送使君
刺船去

家南坡兄失子以詩慰之

騎馬曾看玉面郎掌中珠忽墮奇光秋猿夜叫腸先斷更忍聞
君賦杏殤余今年八月喪子

峴首碑垂千古淚香山寺弄萬篇詩世情只道多男好無奈名
流每乏兒

有情癡被愛緣牽開謝何殊水面蓮自是旁觀爲惆悵道人終
結上乘禪

除夕大雪用聚星堂韻

爐邊細火明松葉律紀將迴纔見雪三家村裏影模糊百尺樓
頭望奇絕重簾暗撲訝身輕老榦初推笑腰折神清頓覺眼棱
寬氣冷頻防蘭燼滅殷勤匙取迎年飯撫景還驚電奔掣鬢邊
絲欲效悠揚面上春猶駐丹顏空懷灞上倚驢背那得江州鋪
木屑匆匆入市買痴獃緩緩孤斟對飄瞥詩文酒脯未須祭我

已觀空息言說明朝爆火入新年試看紅霞磨鏡鐵

廣陵二首

廣陵二月杏花殷客對韶花每倦還輕重有書傳管子天人何策踵河間迷離小杜生前夢淺淡歐公去後山試向蜀岡頻眺遠驚濤千派起松關

六朝南渡幾紛營想像紅樓冠太清帝子夢寒鵠有淚美人歌杏月無情秋來螢壘傳燈火劫後霜鐘餞甲兵依舊笙歌間統綺風光渾不似燕城

春游

故城南去草芊芊依約餘寒近水邊社燕未來山杏淺村烟初白酒旗偏垂鞭緩度穿花騎擣笛閑催放鴨船誰道心情減年少耽游長是一春顚

郭外卽事

春樹靜愔愔拏舟過碧潯桃花紅不定飛過兩三禽

魏文帝廟

畏人客子感飄蓬飲馬無緣得句工
賈詡識兵懲戰伐孫郎倚險號英雄
西園雅許凌群彥春水曾看走若翁
回首漳南歌吹杳莓苔一樣鎖秋宮

九曲池

李花掠亂拂垂楊水面傳歌雜羽商天際奔虹閑照影堤邊舞
草倏成行老伶淚墮秋陰碧西院魂歸落葉黃猶有哀禽學綠
竹曉風啼遍小雷塘

康山

故人慷慨抗章初詔獄驚心片紙書比似陳公弔張讓何煩得

意薦相如眼中簪
鞍眷冷醉後琵琶語密疏
今日斷山無一角
草痕猶認子雲居

天寧寺三詠

簡禪師爪髮塔

古塔嶮嶒記簡師六時瓶鉢此攜持
龜毛拂每嫌多事龍樹香能出好枝泡影已隨塵寂滅
風輪還與世推移飄蕭秋葉雲衣冷
想像豪光夜陸離

晉樹軒

老木千尋拂野廬
烟光曾記六朝初
清言小憩宜垂蔭
高士閑來此卜居
綠影暗穿禪窟宅
涼陰長映佛碑書
攀柯忽引無窮感
已闋興衰百劫餘

青龍井

井以龍得名殊異曲江汎寒泉列以清石鑿完不壞何年縣赤
旱童叟盡愁憊奔走祈百神膏澤不一賚蜿蜒小青蛇吞日出
井外持以登壇雷雨怒滂沛須臾乘雲去電影雜虹帶一龍
而一蛇斯理難契會古來繁華地往往示奇怪人聚物亦靈百
變出機械梓潼祀元膺殿宇積塵塈湯東黃長虬老爲悲喟
當時志神異舊跡吁可怪此井濶然盈疑受老僧戒時復陰晦
天水立勢澎湃我來照旅顏空洞昧所届一勺味天漿魂夢清
無奈

白沙二首

漸減繁華漸有山冷雲遙浸碧溪灣天桃倦柳自遯映估舶漁
帆相往還燈影迷離沙浦外笛聲依約畫樓間東園勝地吾將
隱肯使風塵換好顏

鹿眼離邊看緯蕭無多野意總蕭騷過江風調憐雙槳隔岸溪
山見六朝古樹鶯啼烟外嶼賣花人唱柳邊橋孤篷閑掩三分
月旅柝無聲上晚潮

浣紗女廟

在儀真縣西四十里伍員亡楚遇女浣紗
嚼勿泄語女乃投水死事與瀨水相類

國士偏蒙巾幘憐無端瀨水又溪邊謾誇漁父辭金効肯逐鴟
夷上畫船史失嘉名同夏五地多寒雨失秋千荒雞唱斷前山
曉

留雞山卽伍員
女處

冉冉西風放野蓮

昭明讀書堂

卽禪證寺在
儀真橫山西

維摩家世最耽書江介何年此駐車萬簇曉紅窺案帙三楹香
閣近沮洳重輪易賈天難問奕葉交爭恨有餘理障懲除煩佛
力疏疏煙靄度鐘魚

儀真東園

古藤絡蔓石陂陀三絕流傳跡未磨池漲墨痕連宿雨樹禁霜
力長南柯後來名士遺聞少前此蒼烟白露多幽境不隨陵谷
變田田長自占新荷

文丞相祠

過江餘卒帶刀瘢訛語分明併力難假氏忠偏疑越石留侯智
豈復全韓滄波竭後殊無談碩果成時樹已殘片石荒祠霜月
古遙從柴市照江灘

送寶意司馬之粵

暮雲壓林端天意寒欲雪使君東南行惻愴與我別此行雖萬
里游覽定奇絕服官知何郡要不出兩粵茲邦吾未到士俗頗
能說曩者唐宋時風氣未開豁瘴霧起重颶風姿狂颶韶連
稍近北溪毒不可越况彼梧桂間炎海聚百孽于今千百年林

澤久澄澈人民樂欣欣官府利遠出奇禽送好音蛇虺縮其舌
花草不知名爲客獻時節君行異左遷五馬映朱綏草生聽訟
庭發興操不律顧我愁索居青鳥睇天末行寄湖陽詩竊效賈
島佛

貪吏不可爲廉吏良獨難古之賢達人貧薄托一官取與必有
分持身榮辱間君雖久仕宦五十城始專聲名折官職孰謂途
不艱家無二頃秫未可謀歸田守已盡所長亦勿希推遷詩文
良細事無爲苦雕鏽王事正靡鹽暇日須安便栩栩羅浮蝶當
作如是觀離支生內熱勿過耽芳鮮雲母研芙蓉詎使壽命延
節用薄所奉庶有餘俸焉期君北歸日還受一大錢

以盆松贈袁明府存齋商司馬寶意爲作移松歌辭甚古
予因作贈松歌存齋當補乞松詩成一佳語也

天都巔巖石屏古怪石嘘雲倏成雨松欹似石復似雲下吸雲
泉飲天乳虬鱗漸長鬚鬢張奮鬚直欲凌風霜忽從石罅幾縈
折如蜿蜒路盤羊腸憶首先人耽竹木異種移來凡六六此木
微嫌直少姿別置墻陰同棄逐其餘聳幹各爭奇偃益蟠根近
少池古月照來渾有態潛煙籠處又生枝十餘年來盡搖曳青
青猶傍牆陰裏不材擁腫盡千年古來凡物皆如此使君訪我
曉寒簾春酌涓涓花滿簾指松一笑盍贈我楚弓楚得吾無嫌
君家隨園濛花絮樸拙聊堪林野助會須穩護渡江時莫遣凌
空駕濤去

哭郭昆甫

都門黃葉愴離群墮淚聞君誦我文入夢故交吟舊雨傷心春
草護新墳筆花料爾能千古効氣燭誰張一軍從此湘南哀怨

地不徒懷屈薦蘭芬

寄懷胡橐汀儲玉函粵東

鉤輞啼罷佛桑紅二客聯翩去粵東海底珊瑚量尺寸酒邊詞賦角雌雄驚心桂玉驅人遠入眼溪山設色工沈歎文章成底用無諸臺畔又秋風

食竹鼠作二首

朝盤忽軒渠何乃登鼠輩甘腴勝蒸羶細碎却鳩膾南中茂叢簷圍過徑尺大跳踉緣根株竟體納蒼翠土人薦家鹿曾不數鮓菜奚爲到江北異味供一嘬有皮安可蒙被磔復何罪料無神邱智刀几竟爲崇蘇卿背仗節掘取雜草芥昌黎苦南食蜜唧動驚怪今我刺齒肥徒犯口腹戒行持爾雅讀頑起倉中慨呼童烹月團腸胃一澆溉

紛紛紫衣郎槐下立數輩侈汰不須臾五鼎烹作膾徒聞折體
馨寧論如益大肝腸失犀玉肌理餘煙翠姓氏竹有孫膏腴面
無菜爲鰐爲飛鼯悉付饑涎嘬憑社而穿墉惡得謂無罪況彼
變駁姿入穴夢成祟吾儕濶胸次雲夢吞若芥奚耽腐滋味嗜
好無乃怪將持三日齋遂奉八意戒區區飲河願爲爾觸深慨
秋畦饒佳蔬秉未勤灌慨

同許文蘓生分詠淮陰古跡三首

楚元王廟

隆準帝天下嫚罵漫儒冠弱弟乃淹雅說詩埒申韓未央功狗
烹分茅蒞淮墖遺廟尚香火迢迢二千年傳聞炎宋時亂賊亡
其元陪祀得汲尹桓侯復桓桓當時起草昧入侍傳王言嗣孫
糲釀酒厥後幾傾頽西京宗室賢終古推河間安知封建初王

已開其先更生亦古裔經術何便便嗟彼莽國師有愧爲曾元
我來一瞻拜野鼠奔頽垣紅音絳侯失故狐蒼柏生餘妍遙憐歌
風臺廢壠牛羊眠

鉢池山

老父歎異生天年惜天歿安知神仙人委蛻從弱質纏昔王子
喬沖齡慕元術騎鶴而吹笙雲路去飄忽後來鍊丹井卓錫化
禪窟吾聞比耶教本自老氏出竊取其精英而不繫株槩時時
示變幻萬象揭一鉢轉眼歸虛無齋餘納妙藪小龍出其中昂
首頰訴渴吸飲界甘泉驚魚倏奔突地靈土氣盛猝起高碑兀
彈壓資化人雌伏作邱垤此邦無名山一拳亦可悅奇禽獻幽
花苔草擢新髮終當卜數椽歲晚茹芝朮

枚臯宅

少孺事漢皇詞藻徒俳優遲工速轉拙慚非大子儔舊宅指點
間俯映清波流未知古淮陰當復在此不梁園茂修竹奉母曾
遲留想像阿翁怒拂衣倦西游何年返故居狐死必首邱惜哉
平樂賦散失不可求去此一里許荷芰林塘幽柳邊數聲笛人
說趙嘏樓

送春

年年送春歸春去復還來安知送春人少壯老相催顏凋雙頰
紅影箋不能孩春誠無情物何用相憐哀或言惜春者本不爲
春故韶光倘長新我景與同駐此意殊纏綿亦復蹈奇誤君看
枝上花新葉著故樹是故復是新微旨宜默悟持盃語春光我
醉子姑去

哭家洴江伯二首

支枕曾驚病裏顏海山兜率遠歸遲多年攬盡煙霞趣舊日曾
參侍從班詩備西崑長慶體心隨野鶴斷雲閒蕭然杖履看如
昨群從何由與訂頑

風雅邗江夙主盟游踪記取竹西亭闌邊點筆花光淺雨後彈
琴石氣清紅豆按歌猶有譜時家讲江伯以諸家詞譜多有謬誤細加考核審定極爲精密惜未刊板行世仙蒲延算寬何靈公以午驅壇日下世未必無人繼沈歎衰宗失典型

乙亥夏至日邀同情田穀原潤闔署巢家吟暉兄晚甘園
小集分體得六言四首

過夏人稀酒伴探春詩展笑靄時閣敷原桑圃圖柳子三危午飲槐
亭竹院風涼

秘笈休尋小酉清泉爲洗中池淺立庇葱花畔虛亭月上遲遲

枯屐苔深碧院搜吟人過紅橋如此風光澹若綠楊煙淺鳴蜩
露葉痕垂蕉卷蘋花香靜禽眠一笛離亭風咽夕陽古驛征船

北上穀原

題王穀原丁辛書屋圖

斯人太清曠結屋剛三楹掃洒絕塵翳位置茶酒鑪疏疏紫蘭
花飄風落其英却立泥群想短袂吹泠泠時復動詩思益草生
微馨春明憶舊游鄙事慚紛營撫卷忽興羨悟彼出世情何當
下簾坐書畫閒商評

題韓熙載夜宴圖

江南楊花飛作團北海進士爲粗官楊花沾泥李花白學士籠
頭製輕格奇才自許亞管蕭惜哉俯首事小朝火城雖好給笑
柄詩天酒陣聊追遙格言五篇奏前殿五緯何當爲爾現掩鼻

偏嫌宋子文吹簫聞過諸姬院此圖摹寫中夜游綠蕉紅桂林
塘秋長廊曲榭照燈火妖姬狎客交觥籌當日君王最瀟洒丹
青潛遺闕中寫屈成搖搖錦幕遮樹梢隱隱明河瀉茗溪藏軸
是耶非丹翠零星認舞衣莫歎餘生付荒宴笑談原自解兵機
東風失却誰爲補宮體裁量付金縷遺像猶堪誤退之前知亦
復窺眞主天水鉢鼙動地來教坊絃管盡堪哀謝公墓上梅根
老從遣徐郎作豆魁

題李桐園長水歸耕圖

李郎晨起心不憚溜雨鳴簷花掃迹指皴澹墨倏成圖貌得家
山溪水碧由拳城南古長水蘸綠飄馨連峽石經年小別夢中
到吹笛船頭脫巾幘尊鱸可念拂衣去黃葉連江一歸客祇疑
風骨太孤峭塵世難容此高格燕吳酒痕衫袖在鷗鷺紛紛俄

奪席村農寵婦慙情性葺屋平疇樂晨夕故應狡猾事吟咏牛
角轡環掛書冊人生辛苦爲識字造物從知妬明鑑隱舛不語
具深意此外無煩更求索君不見蕭元程鬢壯歲過擁書萬卷
終何益

情田移居中街與余居相距咫尺爲賦二首

舊燕移巢趁主人秋花門巷斬然新屋完待卷蒙書被酒熟先
邀覓句隣魚鑰暗垂歌晚晚竹燈閑剔話逡巡沿堤笑指蕭蕭
柳得與先生接近塵

齧甞蚊蠭壓擔輕柘枝小鼓傍書籤寓公久住難言客歸計徒
勞未易成五畝旋開新雨地一樣回憶故交情舊宅家實知
齊兄所借君近市無妨隱林月溪鷗待主盟

喜熱

今年夏多雨炎暑默默徂宵眠怯單衾晨起被衿襦蕭蕭北林
風迴薄振座隅綯彼田野間耕稼多憂虞耕稼雖可虞氣候亦
太殊豈有庚伏中而似霜落初平時畏毒熱酷吏思逃諸及此
望赤日杲杲期來蘇凌朝忽軒爽一葉墮井梧撐犁孰埽開搘
出三足烏伏極乃愈奮爚爚掀紅爐頑金被煎燥燥氣相吹噓
俯視濕苔辭倏忽成焦枯此熱雖後時在理不可無開窗坐南
軒汗出如流珠陳我青竹簟安我雲碧牕索我故繩拂布我調
水符可憐白團扇到此翻用渠脫身獻蚊蚋勿用藏肌膚父老
過我談喜色揚美鬢節候順其常人物無疾痛側聞

天子仁議賑還蠲租我民鮮疵癟蒙此雨露濡不敢怨田荒我
漁婦織蒲無爲慮無衣入市酒可沾觀此樂欣欣我亦滋歡娛
夜來貪露坐還復尋詩書

放船

飛煙迷前潭白日麗晴字秋水濶無垠放棹出湖汭境接發興
新孰謂游已屢迢迢指新城掠水燕爭語衰朝昔建鎮樓堞布
千處空中五丈旗其下競笳鼓人物號繁華臺榭紛錯互後來
制置司于此繼開府橫索持鋒錢遍教柘枝女狐鳴何荒唐烏
合遽禽虜嵩蓬固宜芟何事授蘭茹見吳山夫山陽志遺遺祇今太荒涼
雜處鮮豪戶籬根響蒲風塘坳吠蛙部北過龍興寺長橋貫橫
浦破刹映斜陽敝瓦鼠鼯鼠鐘鳴殘僧歸月出林鳥聚當年會
人天晴梵振煙莽琳宮千百間金碧煥廊廡俯仰卅年餘蕭瑟
盡如許卽事有盛衰觀化小今古叩舷發商歌新露墜如雨

秋花著題四首

却月盆深厚葉披晚風吹遍綻偏遲光生露脚斜飛候香近雲

翹半卸時漢殿寵安雙股髻齊宮初刻九鸞儀酒邊燭下闋情甚挂向纓冠好自持

玉簪

絡角疏籬態不濃也將新翠試西風螢飛古竹涼偏悄蟲語秋星夜正中農丈畦邊分點點綵絲筵畔散叢叢天孫欠聘何關汝謫向珠塵類轉蓬

牽牛

岌岌高冠飾組纓昂藏翻恨少柔情色分金距初呈闕晴傍書窗似有聲養就丹砂榮晚歲唱來玉樹滿江城忽忽洗手迎秋節貝葉經前倍眼明

雞冠

夏雨離披秋漸加露痕分得牡丹芽歌傳法曲來朱鳳指拂宮絃散曙霞可惜穠華少香事差宜妝點向貧家東籬枉自頻呼婢冷澹生涯未有涯

鳳仙

題滄江漁父圖

漁人老傍澄江宿紅蓼花深低結屋疏疏晚雨撲青蓑釣得槎
頭鯿項縮蘆根吹火蟹燈細古月如丸桂林木擎船信意漾深
浦驚起沙禽飛簇簇苔磯一點蔭蒼樹取醉閑眠坦其腹習看
山水不覺好就料茲身入圖幅畫師寫此寓深意似惜塵寰空
鹿鹿天公位置亦太厚日遺鬚眉映澄縠誰憐此老不識字我
笑名流少清福未從魯望詠笠罩已悟蒙莊論濠濮便應從爾
老煙津更訪秦人向深谷

蠹魚二首

羽陵遺種是耶非散帙沈吟對粉衣紙上久開三面網書中新
透百重圍須知丹槧宜深味豈有文章不療飢數點朽瓜傳列
子可能鬟髮悟眞機

夾注朝來改密疏試尋爾雅溯生初身安魯壁藏經後族衍秦

灰息燄餘點吏舞文聊共擬老儒困學憤相於硯池一寸難分
潤好是書中涸轍魚

寄懷劉侍讀印子

時督學
蘇南

羅浮桃李逐時新海徼衡文重使臣南極度高星在水西清夢
遠月隨人瀧流可少平安字淮屋仍收落拓身記得春明卧風
雨贈來官米白如銀

勉行堂詩集卷十

古歛 程晉芳 魚門

拜書亭後藁上

丙子
丁丑

古鏡歌爲吳秋漁賦

鍊形瑩質工治良玉榮珠籀星舒芒菱花葉葉交青鴦爾前爾
後慮必詳多年埋沒苔赤黃諾臯魄老海底藏吳生得此自寶
坊圓經九寸以指量背有篆體分行行魅魑是禦厭不祥辟邪
之號從咸陽旋蟲土餉垂文章曾孫詔獄驚焜煌八銖繫綵鑿
絲囊元相所寶龍交翔赤鯉騰出波洋洋何來小兒自納腸數
鱗掩目目彩揚美人夜出珠翠涼懷中暗祝雙鳳凰藁砧何日
旋故鄉金精夜泣眢井荒斷釵並出紛古裝其人誰何物不亡
從容持此歸文房摩挲碧綠擬漢唐容成故侯呼壽光位置鐵

硯銀槎旁勿似癖好東家王策勲名亭舉百觴倒篋未已衣裘
償一夢已足堪自彊朦朧雲霧夫何傷毋令磨錯明秋霜照見
爾我朱顏蒼

王莽貨布歌

成都火井黯不然昭陽禍水方乘權巨君睢盱目睨鼎刻意摹
古欺愚賢周公孺子餚假面金縢洛誥增外篇六官改竄不足
道貨泉變自居攝年十品頒行別次第卯金之號旋舍旃契刀
大布類叢雜訟簿擾擾愁株連黃牛白腹理當復填耳莫禁民
謠傳鯁魚臭尚播千載漸臺死不直一錢當時著作悉無取貞
貨所製殊精研昔聞伏羲搏九棘燧人農皇相後先曰刀曰幣
別子母爲輪爲郭分方圜呂姜佐王管子霸但取民用流如泉
嗟葬何能識此意刻舟求劍徒拘牽要其規矩必古法小篆如

蓮如針懸秦碑漢石有摩泐銅質堅勁其神全委宛成文庶堪
媲美銖定樂彌相宣豈如鹿皮雜金幣大異鵝眼浮清漣食因
咽廢古所誠舊制況復非彼專鄱陽莽錢入僞品通山濱海紛
糾纏別書刀布信卓識雖不適用母輕捐夷甫不言信高致王
昕取一奚過愆宜男可徵勿深考囊中伴我倉斯箋

光亮玉盤歌

疇昔曾讀梧溪詩建炎酒解咏汝堯浮青滴翠但想像何來玉
盤光陸離文曰光亮法大篆遍體瑩潔如凝脂當唇一寸獨純
赤晴雪影裏紅霞披六陵夜發異寶出製造想自淳熙時狸奴
一蹴癟者帝雖非已出誠佳兒老作閑人謝機務忘憂便面時
自怡是時戎馬稀游牧不厭偏安保南服魚晚初陳安嫂羹雪
香更進梅花粥料應此盤列長筵翠盃銀盤錯彩鮮不知侑食

徵歌夕可憶冰山雪窖天吁嗟壽皇真令主一飯何曾忘中土
岳韓去後更無人怪底金甌缺難補卽看孝養備情文尊號堂
堂姥放勲蘭枝紅鵠芳掩冉龜兒雁翅舞續紛君不見杯羹且
望分強敵擁簪迎門何踧踖又不見南內悽涼蜀道歸自調龍
笛教張徽豈如聚景園中風景異引觴遙挹蓬萊翠玩好先呈
德壽宮山陵雜置溫明器沈歎重華積草痕瓊卮後缺晨昏
老臣淚浥雲衣濕天道悠悠未可論

鐵如意歌爲減南園作

迎林八意夙所聞鐵工鏤鐵成秋雲其長盈尺呼握手惟順以
動覩云云謝郎白面氣不羣公等勁卒徒紛紛阿瞞過鼓西日
曛起舞那復憐雙靚何年出自山間墳金魚玉杯雜市氛光燄
忽吐陵高叟臧生急取走若麋奇觀示我海外文爾家浮玉荒

江瀆神金作鼎蛟龍蟠隱君鶴銘石半斲傲人不啻岐陽鼓奚爲對此三沐薰旃檀篋儻儻皮帛纏朝來凍厨火不熏摩挲古澤意若欣驅牛麈尾同策勲葫蘆長柄雜羽幃從容鎮壓當書芸水仙閑吟叩夜分如朝青寥曳裾裙海山一角雨雪霏想伊指磨梅作芬唾壺擊罷蒼顏醺

寓真州碧梧書屋漫題二首

浮生到處卽安居況對清流碧樹疏舊燕暗窺新下榻宵營爭照讀殘書潮聲靜後山生月霞色晴時市賣魚遙憶金陵數同輩盈盈江水正思余謂存齋
諸賢

桐樹連堦柳拂津地偏還喜託閒身焚香滌硯吟新雨除架編籬累主人麥熟漸看童叟樂江空聊與水雲親沙鷗相識宜相誚衣袂猶沾十斛塵

白沙看荷花戲成三絕

鑾江圖畫數城東二里荷花映肉紅鶯鵝自眠人自過一枝柔
櫓翠烟中

繞釧菱絲拂不開蜻蛉飛去又飛回低頭背面如相避白足兒
郎盪槳來

魚鱗雲淡襯遙天翠蓋亭亭夕照妍猶有棹歌聲未遠晚風吹
上酒人船

別碧梧書屋

三句小住豈前因去作江南一葉身黃鳥數聲如戀客青山幾
點欲迎人曝蓑灘際徘徊路垂荔墻邊拂拭塵他日重尋舊門
巷古梅應有數枝春

留簡家南陂

堅閉衡門拒客深池塘幽夢好追尋論詩每藉鍾嶸品事佛先
窺白傅心裁外寒花饒古色夏前濃柳學秋陰東風夜送吳船
穩相憶還成江上吟

吳彩亭舍人招集陶氏園亭作

蟬語夕陽明涼烟滿江郭疎疎池上風過此命尊酌咸迴沿流
棹或駐游山腳延覽資古歡嘲謡亦間作百年絅遺蹟齒冷誚
元惡相傳圓爲阮圓海故居法曲寫紅闌羣賢礪冰鍔遂令異代人鑄鼎
懲不若民居想豪奪園榭日張拓帝子樓已迷吾公谷遂壑祇
今數弓地靜綠繞山閣惟懷刼灰歎詎識爽鳩樂側聞主人賢
冰雪浣餘灼調附衛川時應京兆試抱膝事高吟擁經恣冥索匆匆燕趙
轍幽怨付輶鵠吾儕敢相笑南北共羈絡終期守殘編與子共
商榷青檠炳遙夜賓起互酬酢簷星散磊石亭草香漠漠境寂

增流連交深從脫略歸途殘角鳴兀卧驚漂泊

自金陵赴姑孰途中熱甚偶成

上得籃輿汗雨傾朝霞如火徹天明山環南面形逾澗人蔭高
林氣始平日永未容羸馬息伏闌偏與素秋爭清涼池館成追
憶觸熱何因又近名

慈湖道中

人家住水村曲徑倚山背稍稍蔽日色宛宛垂柳帶鵝鴨驚行
塵牛羊卧風籟六朝此名鎮拱衛環胄介時移變桑田境僻長
松檜流連坐盤石灑灌俯鳴瀨漁童下新釣樵斧破烟界茲焉
得宵棲晉爾出塵外

太白樓歌

長江千里月萬里月波平處危巒起謫仙到此偶留止高樓盡

蠶雲間倚我來登臨六月裏褰裳灑汗舉葛光騰四壁罿驚
視衡華嵩岱辨尺咫云誰圖畫蕭氏子粉垣縱筆不煩紙如聞
濤聲風霍靡上方構櫨雲氣委錦袍玉貌非常理生時糟邱築
春壘笑掘天堊嚼瓊蕊乾坤一垤衆一蟻渴飲狂流作庚癸大
匏酌公公不死憑欄萬象罄遐邇峨眉秀聳角雙峙赤盤中央
行邇迤媚川惡灘雜迴沚景新詩故遙相擬豪情鬱律邁奇旨
秋中禊祓期來此長波卷空瀆無津慮有羣真騎鳳紫抗手相
招弄烟水

采石懷古十首

聞道秦皇帝從茲達會稽石根青突兀不見李斯題

顧曲周郎逝全琮又結營魏人如鼠伏不獨畏川兵
十萬繡旌旗伐晉謀大舉朝來引師還仍在橫江渚

莫唱水中龍聲名怖殺儂寒磯無故壘霜寺打秋鐘

石激水潺湲如聞罵蘇峻遙望蔣山草木含清潤

堂堂石季龍躍馬欲南渡風吹草樹聲似列沿江戍

可憐魏佛狸飲馬澄江水勾陳望太微黃星兩消委

小峴勤王去長沙故自超深憂家弟在餘恨咽江湖

白馬渡江來荷荷唯指口如何南豫州但遺王郎守

一戰存微宋虞公信可人筆來何足懼堪笑北朝臣

始孰懷古四首

牛渚磯

奇士從來愛遠搜犀燈凝碧照江洲珠宮玉府呈寒影鬼馬靈
魑起大幽豈有瓊瑰泣聲伯翻同嶺石噴熊周史家謠怪知真
僞笑拍洪崖俯碧流

白綺山

祖溫 張伎虛

老奴風調類曹瞞
驪騎纔休樂部彈
名士會逢三楚盛
美人歌怯夜堂寒
鄒公尚恨兒遲死
謝傅何慚背久乾
祇少西陵供帳在
滿山松柏夕烟殘

凌歛臺

北望神州涕泣然
還從南國舞三千
臺高六月飛涼雨
樹老千崖抱遠川
無地可容冲讓主
有人空誌義熙年
葛燈麻拂平生事
傳與諸孫總不憐

青山

風流遙想謝宣城
幾疊青山帶水繁
勝地他時來李白
詩才曠代繼袁宏
寡妻空恃吳鈎利
家令何煩史筆清
渺渺敬亭雲氣接
一天秋色起猿聲

家顧書姪餞席聽祝道士彈水仙操

貝宮無烟濤氣白老仙長住皎人宅天邊攬月置懷中笑向龍
堂輕一擲冰絲播弄流水聲寥寥秋闊夜宇清遺宮剎徵到人
世異韻未許參凡情道人神姿腴不寢爲我揮絃佐匏飲存齋
太史適共聽跂脚西窗手支枕是時綠桂吹古香高雲飄墮雁
起翔浮音切響振岑寂指頭湧出波茫茫阿咸心閑得琴意解
帶松間對花醉夜闌更請奏歸風我欲臨江鼓征帆

留宿隨園臨發贈袁存齋

一碧千林樹亭亭長舊園閣添山際影泉過竹間霏歛草無妨
履輕雲欲上衣五年撫游歷小住已忘歸

草草勞人事閑閑隱者園書能供我讀文欲與君論鶴警窗初
白香凝榻正溫爲鄰終有日芳樹隔幽樊

念別三年永懷人一夕深風烟桂嶺字冰雪故人心

時從存齋處得寶意

先生粵信梅老宜防蠹山多不廢吟西堂相憶處涼雨拂秋琴

窮匪虞卿甚相期各著書古人渾易到壯歲倏云除百尺樓堪

卧千秋事豈虛他時公論在南北兩樵漁

放艇及斜月澄江生古烟思君起中夜白露不成圓奉母饒瓜

芋稱詩富帙編應憐塵網客何日謝拘牽

政陽二姪招集約莊作

野水荒灣淨少塵小林茆館構偏新開軒偶帶三分酒種竹行
逢八月春荷草童歸垂柳岸鳴榔聲近古烟津楓香謝後梅舒
早蠟屐重來問主人

榜下與儲石亭言懷

西風撼撼撼蠅廬矮枕憤騰覺又蘧蘧句騷人黃葉晚棹頭漁

子自鷗如掃。眉入世無新樣。眼日盈。皆有蠹。書三尺蠻。氈地爐。
煖爲君沽酒。翦闇蔬。

蔣孝廉秋涇與余神契。有年未一識。面丙子閏九月偶來淮上。園亭過從觴咏。數晨夕歸舟將發。投贈長篇成七

律三首

漁咏亭邊畫壁詩。十年漂泊識君遲。黃花節晚人重到。古柳霜清席共移。芳藥曝晴知善病。清言達夜每忘疲。琅玕相贈勞相慰。如此頭顱已後時。

桐帽櫻鞋處處留風華。偏愛古揚州。倦眠旅榭三更雨。冷詠江城一片秋。別浦乍尋鴻雁侶。歸裝催上水雲舟。松滋居士漁川叟。好約嬉春共冶游。

千林楓相背。斜陽同調關心。一舉觴昭諫。有才名易厄。雲英未

嫁養先霜荒烟白葦窮幽討小月疎風到草堂高會者殊不
惡晚甘園作閏重陽

同弟秋泉泛舟珠湖作

秋溪無緩棹急水抱長林漸改楓杉色空驚搖落心酒人疏舊
賞斜日滿圓陰共淡忘言叟垂綸向碧渟

寄上韜使雅雨盧公四首

戰門秋早桂香濃曾上丹梯十二重朗藻久懸虛室鏡清名如
扣翠微鐘地當淮海推王質人對風華慕簡雍想得公餘領雙
鶴冷吟閒眺石橋松

漢置平原推望郡崢嶸家世孰能儕傳經獨駒無雙譽駐節重
臨第一州揷架青編多秘籍題襟上客總清流聲名宦職原非
易曾閱冰霜到白頭

篠園叢碧俯荒池白雨交情四海知扶杖每同看夕月到門曾爲訪遺詩香山幸有孫承嗣六一何堪位並祠家洴江伯殿後祠做固皆以瞻其後且將祀先
伯于歐蘇二公之側皆公意也身是謝家子弟幾回感激涕橫頤

金河涼雨白門烟烏帽黃塵二十年松菊未荒成我隱文章何益荷公憐擁書慮廢前修業愛士宜爲後世傳擬待春來更陪從柳絲風趁竹西船

同三弟秋泉夜坐

燭寒人意靜緩語漏方沈霜老松聲健塘空雁影深古香開蠹簡斜月轉簾陰冉冉塵中事相看鬢雪侵

贈儲孝廉玉森

長安書六上連拙不關人酒汁青衫涴深光白屋貧探秋風拂

娟折竹雪迷津笑指梅根蠹梢頭見古春

送李桐園南歸

曰歸情轉怯知爾益清貧折券難逢古爲炊恥乞鄰苦吟千嶂
雪寒臥一溪春猶有淮干舊挑燈念苦辛

寄懷李情田

春草前溪別西風病未安思深愁易集歲稔食猶難倦笛鳴秋
雨滄江起夕澗天涯遙余漸老吟眺倚危欄

邦上送秋涇南歸

江鄉稻熟蟹螯肥穩掛蒲帆問竹扉水潤暮烟連舍綠月寒沙
雁傍人飛中宵對酒頻開卷小婦鳴梭爲投衣等是客游情最
惡暫時握手送將歸

樂府四首同李桐園作

雅瑟詞

雅瑟絃成二十五瓊徽零落不可數響泉寒玉溯當年復道軒
皇教素女綺琴雖舊人習彈此器於今失宗譜桐材七尺肌理
細拂拭雕文散塵土抱持入市少知賞暗壁長懸誰搏拊時從
絃上一迸指颯拉秋堂振風雨雖然無用等倣帝肅穆猶存舊
規矩補殘審律待良工莫道今人難續古

蟋蟀詞

金盒子籠蟋蟀夜夜有聲在華室五陵年少工兒嬉捉取初
從風露時海棠籠霧秋陰薄罷管停簫看鳴躍長鬚鉅股性黠
見體微亦被將軍號紅牙蓋啟碧毯張旁人聚觀如堵牆小草
遙遙擢纖尾引向當場矜翅嘴往來一喙直千金頃刻人情易
悲喜芳條烟老元蟬泣轉眼涼霜將汝及閨中織婦不成眠月

戶秋燈暈紅粒

黃雀行

黃雀啾啾何唧唧四顧無人繼振翼飛飛萬下薄深叢一黠
金濛沈碧田中瞰粒不滿口復起騰身自藏匿無多飲啄易果
腹猶自經營費心力鳳皇不來蒼鵠衆未免遭逢虞搏擊富家
貪多復嗜味竊恐登盤雜丹鯽託身雖小憂患重如此行藏良
可惜安能爲爾告虞人偃矢彀弓勿彈射

廚娘曲

江瑤橫玉柱猩猩點絳唇名都豪族聚八珍致彼難得物奉此
無用身竭來誰擅調烹手廚娘家家爭聘取輕桂淡抹欵綴玉
入廚先審火候足醯鹽葱滾總不除到手能令滋味殊紛紛肉
食人生厭別開新意陳嘉蔬來其一品費錢萬却用侯鷄相燉

冰盤錯雜果蓏鮮鏤枝刻葉逾精妍銀刀善藏歸去晚風吹
賣花香氣遠老僧敲鐘煮芋粥不如且聽廚娘曲

有懷潘大秋查

空囊如洗過年年一劍昂藏肯受撫額士舊餘知已僕稽康新
贈絕交篇江風拂岸鳴殘柳夕月逢僧話定禪多恐斯人老流
落阿誰爲置買山錢

輓邱浩亭

春初喪我崧崕叟謂周子自民又向殘冬哭浩亭暮雨碁枰收故局
荒烟文塚理新銘多生懶病餘清賞握手親知散旅萍欲報秣
陵書一紙杜鵑寒食草青青

行年七十非爲天燄有餘糧未是貧可惜詩騷失宗主每因風
露感斯人臨摹斷墨垂朝幕刲折繁花送好春沈歎九泉交道

隔夜來猶夢鶴精神

丙子除夕

赴壑修蛇歲又除奔轅近楫竟何如
囊中漸減千金具架上新增百卷書
炙鬼烟清催命酒封梅雪淺待停車
生平冷煖經來慣每對佳辰樂有餘

迎年急鼓振比鄰試掃荒齋滌故塵宿火槐榆驅耗損新詩脯
醢慰精神難回竹馬嬉酣景又向花谿判斷春四十卽看明日
是未妨老作石田人

贈萬少滄

幾年握手從京國兩度題襟向廣陵來去何常秋社燕清貧無
礙上堂僧潮連夜雨鄉心遠人對官梅酒態增又指西江事行
役苦吟殘月憶交朋

留別王梅汎

京華淮水夢依稀黃葉飄零一棹歸凍雪易成高士卧飛花偏
上酒人衣霜侵短髮才非減燭翦深宵願豈違忽忽相逢又相
別芳蕪南浦有餘暉

三弟餽榆葉餅以詩答

東風不待人吹散滿園綠未作看花詩已飫餳白粥俄驚子公
指蠕動一何速珍盤從阿弟製造誠乃獨吁嗟沈郎錢位直近
苜蓿安能買韶春差足塞空腹帳餧雖異味饗餐夙所熟芬馨
沁牙頰蒼翠達眉目豈防臘神訢此子腸漸俗食經亟已補聊
復見乳粟却笑樂城蘇局促咏草木

和蔣秋涇喜予過訪

幽人抱膝吟庭花自開謝遠道遲所思芳禽喚深樹披衣起迎

客小屋焚香罷何因破岑寂瘦竹澗初夏還期一樽共流月美
清夜

贈易松滋

近市厭煩尊入山苦寒餒此身位置難進退屢觸懶伊人抱幽
情在濁不塵滓萬象紛糾擎澄心自爲理招朋或汎流裁詩且
責子竭來行役歸閉關卧不起砌砌枝上花靜逐流雲委余生
等勞薪役役殊未已感君杜德機不僅特書史然坐輒忘言底
用覓婆尾他時偕隱約素業共煙葦

效元微之表夏詩十首

炎景何滔滔草木亦幪幪乾雲起前澤重綠媚閑憩春膚罷餘
喧驚蟬發新聲得暇非偶然息意對羣動
海榴雜五色細蕊張火繖娟娟紅薇花浮艷擢幽館了無蕭寂

態灼灼照心眼時至物固然豈復憂盛滿

夏蟲非一名瑣細競明燭紗籠礙急投有似嫌隙覆寂窺憐其愚自顧仍局促誰能守微身儼彼不材木

朝盤雪素藕午飯糰輕冰撫此蜃臚質所享殊難勝惟應窮永日伏几橫遺經遙遙黃髮期寡過慚未能

南窗晝長關畏此西日景鳴颶拂晚竹張簾就虛枕支頤方政脚隙月照單蒼靡靡艷舶花凝香薦幽牋

酒人旣擣散樂部亦蕭疏喧寂任所遇抱獨匪無餘閑依紫桐樹檢讀未見書去日豈云少荒落將何如

蚊嗜不擇肉蠅飛寧誰聲澹然與之遠紗幘有餘清嗟嗟火攻策已甚非持平亦有玉麈柄聊助談縱橫

五時花已闌下伏暑彌盛放艇過菱塘取涼依水逕老農勤秉

未揮汗泥沒脛笑指迨秋成黍香開曉靄
池荷布圓鏡向夕施明妝蟾彩不徒映溥溥珠露涼結根雖自
殊長養從洿塘始知獨漉泥亦足揚芬芳

孟月惜春徂季月懷秋心浮生類如此坐遺鬢雪侵短夜妨熟
眠沈思恒緩吟亭臯足綿雨慮爾凋繁陰

生第三女作

耳耳聲從道路傳依然柔玉入懷妍鑾城較數今居半祝氏關
情漸覺偏未信琴書歸此輩且看啼笑慰中年丈夫巾幘曾貽
誚轉把笄裙冀汝賢

一將遠嫁一成癡第二女風不可治疾三索何知又得雌錦樹乍榮花發
際繡綉初試夏涼時低徊舊事香山恨齋肅他年季女詩最怕
旁人頻致慰隔春歡喜定生兒

挽朱草衣

熟記前聞變品詩吟成五字重當時席間懷餽遺嬌女道上看碑弔古祠暮柳漸疎人別後冷雲難定鶴歸期江淮逸老於今少三歎因君淚染頤

送家晴江兄游皖

驚濤走江東怒氣不可遏割然開天門青入兩崖闊帆平出遠樹如櫛理秋髮曉紅浴滄日夜碧湧圓月於茲爲壯遊鼓楫叩吟鉢前登太白樓遂禮謝公碣山形何逶迤龍卧影曲折方舟向綠岸草色引行轍雖懷故鄉思卽事紛可悅孤亭縱奇觀萬象入微曉荆楚餘霸氣川巖恣蟠結神怡忘力疲景寂增興烈笑覆皖公益高峯丹葉脫

邦上酬陶篁村六十韻

昨遊城東陽篠興緣荒臺餘花依故井散葉下女牆叩門訪嚴
生隙日穿修篁握手語離別陔口論文章因之誦君詩驚喜欲
發狂其勢如雄風迴薄經南榮臘戶競排突布幕爲開張砰訇
振鐘磬徹響鳴竽笙大木號怒竅抑遏逾張皇榮糸拂細草弗
鬱聞幽香又如萬里流曲折太縱橫灑灑任所達不可施限防
眩目告嚴生此令我心傾嚴生爲我言君知我特詳曾書我詩
後小楷蠅頭行又爲懷我詩暮雨神蒼茫近來客邗江行卷多
秋聲萍蓬適相際良會天所減是日遂逢君豁達披肝腸凌晨
投素紙韻脚六十強上言逮騷雅下乃溯平生中復通相思如
影置我旁疎絃振古音四壁搖金商側聞前哲言修詞貴立誠
陸機評文體多變隨所長風詩道歇絕剽以市名選字必六
朝取格希三唐試觀宋金元一二標奇英底肯學優孟衣冠貌

行藏君家本稽山，開門挹嵐光。鏡水三百里，滌濯秋月精。其中
多名流，淡藻飛丹瓊。君復癖嗜古，吸髓餐天漿。出語必自己，將
刻萬物情。折除容容福，才老鬢則蒼。結綠闊大璞，缺委爲子將。
時復賦遠遊，蘭佩芙蓉纓。輕衫走燕趙，馬瘦西日黃。高歌對易
水，怒氣鬱崢嶸。覽古輒題咏，懷舊含悲涼。以茲富篇什，東箭連
箱籠。而我學謳吟，短澁同寒螻。君胡嗜我詩，嗜痂剝膚瘡。歎曲
話遊歷，矯首懷春明。翰林鄭官坊也，與李莘園檢討視我如弟兄。鄭公
寄我詩，乃在君行裝。舊好齊難卽，新知欣和廢。此邦盛簪裾，筆
陣驅班揚。君來競酬酢，矢勁雕弧彌。遙事文讌紫蟹堆紅薑。
余也蕞爾國，敢與齊秦爭堅麗。偃大旗，宿春慮無糧。嗟哉彼嚴
生年少學早成，飄零向淮海。破帽懸空囊，高會一灑翰。和繆骨
董羹，佳時有離別。取次尋歸航，懸知話此遊。又已成滄桑涼烟。

單浙水漁笛傳初更石頭石塊曉淮浦波浪浪眇然千里心雲
樹遙相望

石人行同陶寧村作

寒風吹林月如紙道旁翁仲語生死曾見驪山築土來復觀東
平樹西靡洛陽灰燼猶等閑金魚何事歸人間玉馬蕭蕭汗血
灑銅仙耿耿涕淚潛自茲移置因名族重擊鬚眉開面目黝重
朝廷特賜碑一邱圓土千人哭冷烟寒食西郊陌鬼噉芳椒丐
餘炙世遠年湮少子孫野鴟飛盡山空碧來時羊虎跡已陳墓
門傾側松作薪兒童敲火船繫纜復恐摧殘遂及身赤棠飄飄
灑迴雪沈恨滄桑幾興滅無情世人有情物那得心腸勁如鐵

送王梅汎北遊

白首他鄉客秋深復遠行馬騎嘶倦柳酒薄問荒城揮手長川

雨勞人遠戍更山田無半畝莫漫定歸程

覆船詩三首

揚州西去片帆程誰道輕舟夜忽傾制命不煩滄海澗洗心先試暮流清詩書失後珍殘本戚友來時話再生莫歎遭逢磨竭重世間風浪幾曾平

客船高駕類艤艤南北相持力不同絕叫忽驚身在水舉頭猶見月如弓全生別有慈雲筏作難原非少女風隻履飄然歸去遠轉從幻業悟諸空時失一履

舟人擣纈哭偏衰嬌女辱妻命還催新婦竟隨河伯去老夫纔問水潰回宮袍捉月飛仙迹古殿摛文曠代才端頰此生詩筆弱乘龍原不愛凡材

題曹太史容圃菱門課耕圖

吳淞水環酒遠者茭門塘黃芽出淺渚好鳥鳴高桑春餘夏未
中苗苗分禾秧叱叱黃犢耕鷺起飛成行時哉風雨交農喜遂
所望何容此爲家宦遊懷故鄉寫圖寄秋心近將命歸航豈不
念榮名固圖嗟已荒行行理蕪穢書卷隨鋤筐歌吟和田父月
出東臯涼

和袁存齋春草二首

倚闌新草正霏霏似共春來不共歸灞岸雨低人漸遠蘇堤烟
淺燕爭飛青袍較色年年舊遊跡回頭種種非一片斷霞千里
色爲誰清瘦減腰圍

生意愔愔靜少塵繁華淨掃見天真夕陽凝望渾疑水小徑平
鋪不見人舞歇還如弔統綺宮春偏與護梁陳衡門掩處離披
長伴得孤眠又幾旬